

BESTELAKO XEDAPENAK

HERRI ADMINISTRAZIO ETA JUSTIZIA SAILA

2182

AGINDUA, 2013ko apirilaren 10ekoa, Herri Administrazio eta Justiziako sailburuarena, «Derandein Fundazioa» fundazioak jasotako dohaintza eta zuzkiduraren gehikuntza onartzeko eta Euskal Autonomia Erkidegoko Fundazioen Erregistroan inskribatzeko dena.

Aztertuta geratu da Euskal Autonomia Erkidegoko Fundazioen Erregistroan inskribatzeko eskatzen duen espediente. Hona hemen

GERTAKARIAK

Lehenengoa.— 2013ko urtarrilaren 8an, Herri eta Administrazio Justizia Sailaren Erregistro Orokorrean sartu zen Juan Ignacio Gomez Villa jaunaren notariotzaren idazki bat, zeinaren bidez jakinarazten baita «Derandein Fundazioa» fundazioak –2012. urtean– zehar dohaintza bat jaso zuela. Eskabide horri honako agiri hauek erantsi zitzaizkion:

1.— Xabier Azarloza González jaunak, «Derandein Fundazioa» fundazioko idazkariak, 2012ko abenduaren 21ean, Bilboko notario Juan Ignacio Gomez Villaren aurrean egiletsitako eskritura publikoaren bi kopia eskuetsi (dohaintza onartzeko eskritura publikoa) (2030 protokolo-zenbakia). Eskritura publiko horri Fundazioaren idazkari Xabier Azarloza González jaunak –lehendakariaren oniritziarekin– emandako egiaztagiria erantsi zitzaion, hain zuzen ere, 2012ko abenduaren 20an egindako bilkurarena. Bilkura horretan, aho batez erabaki zen «Inversiones Ergoien, S.L.», merkataritza-sozietateak 2012an zehar entitatearen alde egindako berrogeita hamar mila (50.000) euroko dohaintza onartzea, eta dohaintza hori, fundazioaren estatututan ezarritakoa aplikatuz, fundazioaren zuzkidura edo ondare finkorako erabiltzea.

Bigarrena.— Administrazio Erregistroen eta Toki Araubidearen Zuzendaritzako Zerbitzu Teknikoek espediente hori aztertu eta ebazpen-proposamena egin dute.

ZUZENBIDEKO OINARRIAK

Lehenengoa.— Herri Administrazio eta Justiziako sailburuari dagokio fundazioaren estatutuen aldaketa inskribatzeko espediente agindu bidez ebaztea. Hala ezarrita dago: Euskal Autonomia Erkidegoko Fundazioen Legearen 40. artikuluan; Euskal Autonomia Erkidegoko Fundazioen Erregistroaren Erregelamendua onartzen duen ekainaren 19ko 101/2007 Dekretuaren 3. artikuluan; eta, Lehendakariak abenduaren 15ean Euskal Autonomia Erkidegoaren Administrazioko sailak sortu, ezabatu eta aldatzeko eta horien egitekoak eta jardun-arloak finkatzeko eman zuen 20/2012 Dekretuaren 6.1.r) artikuluan.

Bigarrena.— Aurkeztutako dokumentazioak bete egiten du honako xedapen hauetan ezarritako: Euskal Autonomia Erkidegoko Fundazioei buruzko ekainaren 17ko 12/1994 Legea; Euskal Autonomia Erkidegoko Fundazioen Erregistroaren Erregelamendua onartu zuen ekainaren 19ko 101/2007 Dekretua; Euskal Autonomia Erkidegoko Fundazioen Babeslaritzaren Erregelamendua onartu zuen ekainaren 19ko 100/2007 Dekretua, eta oro har aplikatzekoak diren gainerako arauak.

Aipatutako manuak eta aplikagarriak diren gainerako arauak ikusi dira.

Herri Administrazio eta Justiziako sailburuak hau

EBAZTEN DU:

Lehenengoa.— Honako hauek guztiak Euskal Autonomia Erkidegoko Fundazioen Erregistroan inskribatzea (Derandain Fundazioari irekitako orrian), betiere, Xabier Azarloza González jaunak Bilboko notario Juan Ignacio Gomez Villaren aurrean –2012ko abenduaren 21ean– egiletsitako eskritura publikoari jarraikiz:

1.— «Inversiones Ergoien, S.L.,» merkataritza-sozietateak 2012an zehar fundazioari egindako dohaintza, berrogeita hamar mila (50.000) eurokoa, onartzea.

2.— Fundazioaren zuzkidura handitzea, berrogeita hamar mila (50.000) eurotan. Beraz, fundazioaren zuzkidura hirurogeita hamalau mila (74.000) eurokoa izatetik ehun eta hogeita lau mila (124.000) eurokoa izatera pasa da. Ekarpena, balorazioa eta ordainketa agiri bidez egiaztatu da, Euskal Autonomia Erkidegoko Fundazioen Erregistroaren Erregelamendua onartu zuen ekainaren 19ko 101/2007 Dekretuaren 37.1.c artikuluan ezarritakoaren arabera.

Bigarrena.— Agindu hau Derandain Fundazioari bidaltzea.

Hirugarrena.— Agindu hau Euskal Herriko Agintaritzaren Aldizkarian argitaratzea.

Agindu honek amaiera ematen dio administrazio-bideari, eta, beraren aurka, berraztertzeke errekurtsoa aurkeztu ahal izango zaio Herri Administrazio eta Justiziako sailburuari, hilabeteko epean, agindua jakinarazi eta biharamunetik aurrera; edo bestela, administrazioarekiko auzi-errekurtsoa aurkez daiteke Euskal Autonomia Erkidegoko Auzitegi Nagusiko Administrazioarekiko Auzietako Salan, bi hilabeteko epean, agindua jakinarazi eta biharamunetik aurrera.

Vitoria-Gasteiz, 2013ko apirilaren 10a.

Herri Administrazio eta Justiziako sailburua,
JOSU IÑAKI ERCORECA GERVASIO.